

	Í peningum.		Hundrað á		Alin.
	Kr.	Aur.	Kr.	Aur.	Aur.
34. 1 cr 8 fjórðungar sauðskinn, af tvævetrum og eldri 10 pund á	7	79	62	32	51,9
35. — 12 — sauðskinn, af veturgömlum og ám	5	58	66	96	55,8
36. — 6 — selskinn	9	71	58	26	48,6
37. — 240 lambskinn (vorlamba), einlit hvert á	»	24	57	60	48
<i>G. Ýmislegt:</i>					
38. 1 cr 6 z af æðardún, vel hreinsuðum pundið á	16	12	96	72	80,6
39. — 40 — — — — — óhreinsuðum	4	13	165	20	137,7
40. — 120 — — fuglafiðri 10 pund á	7	94	95	28	79,4
41. — 40 — — fjallagrösum	2	99	11	96	10
42. 5 álnir 1 dagsverk um heyannir	2	29	54	96	45,8
43. 5 — 1 lambsfóður	3	46	83	4	69,2

Meðalverð á hverju hundraði og hverri alin í fyrrtöldum landa-
um verður:

<i>Eptir A. eða í friðu</i>	81	90	68,2
— <i>B. — í ullu, smjöri og tóly</i>	78	30	65,2
— <i>C. — í ullar tövöru</i>	43	80	36,5
— <i>D. — í fiski</i>	73	99	61,7
— <i>E. — í lýsi</i>	46	61	38,8
— <i>F. — í skinnu-vöru</i>	63	14	52,6
En meðalverð allra landaura samantalið,	387	74	323,2
og skipt með 6, sýnir:			
meðalverð allra meðalverða	64	62	53,9

Reykjavík, 4. dag febrúarmán. 1875.

Bergur Thorberg. P. Pjetursson.

Brjef landshöfðingja (til bæjarfógetans í Reykjavík).

Eptir að þjer herra bæjarfógeti hafð skýrt mjer frá, að bæjarstjórnin muni verða mjer samdóma í því að leggja húseigöndum að minnsta kosti eigöndum hinna stærri húsa þá skyldu á herðar, að eignast og við halda á sinn kostnað nokkrum slökkvitólum, og að hún muni rannsaka, hvort slíkar kerrur eða sleðar til að flytja á vatn, sem jeg hef getið um í brjefi mínu frá 12. f. m. sjeu hentugar og, ef svo reynist, kaupa þær — skal reglugjörð sú um, hver slökkvitól Reykjavíkurkaupstaður er skyldur að eiga, og viðhalda, sem mjer var send með brjefi frá 18. desember f. á. hjer með staðfest, þó ekki um lengri tíma en til útgöngu þessa árs, og býst jeg við að fá að sumri skýrslu frá bæjarstjórninni um árangur hinnar nefndu rannsóknar hennar.

Reglugjörð

um hver slökkvitól Reykjavíkur kaupstaður skal skyldur að eiga og við halda.

Reykjavíkur kaupstaður skal skyldur að eiga og við halda slökkvitólum þeim, er nú skal greina.

1. 2 einfaldar sprautur með slöngum og öðru því, sem þeim heyrir.
2. 1 sprautu með 2 dælum hjer um bil 5" að þvermáli hvor, 2 leðurslöngum 2" að þvermáli og öðru því, sem slíkri sprautu þarf að fylgja.
3. 80 fötur.

1875

8
15da
febr.

4. 3 ker undir vatn, skal 1 þeirra taka 16 tunnur, en hvort hinna tveggja að minsta kosti 4 tunnur.
5. 3 brunastiga.
6. 6 krókstjaka.
7. 1 brunavöð 15 álnir á lengd og 10 álnir á breidd.

Í bæjarstjórn Reykjavíkur kaupstaðar 17. dag desembermánaðar 1874.

L. E. Sveinbjörnsson. Magnús Stephensen. Ó. Finsen. O. V. Gíslason. Jóh. Ólsen.
G. Þórðarson. Einar Þórðarson. H. Kr. Friðriksson.

9
17da
febr.

Brjef landshöfðingja (til beggja amtmanna).

Eptir að jeg með brjefi frá 11. febrúar f. á. hafði beðið yður herra amtmaður að útvega og senda mjer skýrslu frá hverjum einstökum hreppi í amti yðar um upphæð gjalds þess, sem samkvæmt 5. grein tilskipunar frá 25. júní 1869 um hundahald hefði verið galdið í sveitarsjóðinn sardagaárið 1872—73, og um tölu þeirra hunda, sem hafa verið haldnir í hreppnum, hefur það komið fram, að í mörgum hreppum hafi enn engin gangskör verið gjörð til að fylgja fram hinn nefndu tilskipun, sem þó náði lagagildi 1871. — Fleiri lögreglustjórar hafa tilgreint þá ástæðu fyrir þessu, að skæð hundaveiki hafi gengið hin síðustu ár um sveitirnar, og að hundar þess vegna hafi fækkað svo, að eigi hafi getað orðið spurning um óþarfa hunda, og að búendur jafnvel hafi átt örðugt með að útvega sjer hina nauðsynlegu smalahunda, en þessi vandkvæði munu nú ekki lengur eiga sjer stað, enda geta þau ekki komið í veg fyrir, að hunda framtal það, sem lögbodið er með 1. grein tilskipunarinnar fari fram á hreppskilapingum á vorin, að tala hunda þeirra, sem hver húsbóndi þarf með til að hirða kvikfje sitt og verja tún og engjar sínar, verði ákveðin samkvæmt 2. grein tilskipunarinnar, og að hundahaldsbók sú, sem getur um í 3. 5. og 6. grein tilskipunarinnar verði keypt.

Jeg skal því mælást til þess, að þjer herra amtmaður sjáið um, að hinum nefndu ákvörðunum framvegis verði vandlega fylgt, og að þjer leggið fyrir sýslumenn þá, sem undir yður eru skipaðir, að senda yður áleiðis til mín á hverju ári, eptirrit þau eptir hundahaldsbókunum, sem samkvæmt 6. grein tilskipunarinnar eiga að fylgja sveitareikningunum. Loksins skal jeg taka fram, að jeg býst við, að þjer og lögreglustjórar þeir, sem undir yður eru skipaðir, noti þetta tækifæri til að brýna fyrir hreppstjórum og alþýðu, hve áriðandi það sje að gæta nákvæmlega þess, sem fyrirskipað er í 4. grein optnefndrar tilskipunar um að brenna þegar í stað sullmengað slátur og hause af höfuðsóttar kindum, eður að grafa það svo djúpt í jörð, að hundar geti ekki náð í það.

10
27da
febr.

Brjef landshöfðingja (til stiptyfirvaldanna).

Með brjefi stiptyfirvaldanna frá 17. þ. m. meðtók jeg erindi prófastsins í Dalasýslu sira Jóns Guttormssonar frá 27. október f. á., þar sem þess er farið á leit, að stiptyfirvöldin skjóti því til úrskurðar ráðgjafans fyrir Ísland eður hans hátignar konungsins, hvort sá húsmáður, sem hefur grasnyt og geldur tíund til sveitar, eigi ekki eptir gamalli venju og ákvörðunum að greiða prestí heytoll, og hvort við grasnyt eigi ekki að skiljast afnot af jörðu til beitar og slögna fyrir málnytu og annan pening, er hann hefur sjer og sínum til framfæris. Með því að þetta mál að svo miklu leyti, sem það er umbodslegs eðlis samkvæmt 19. grein erindisbrjefs frá 29. júní 1872 sætir fullnaðarúrlausn landshöfðingjans, skal jeg biðja stiptyfirvöldin að kynna nefndum prófasti það, er nú segir:

Eins og málið hjer liggur fyrir verður eigi úrskurðað um annað en heimild presta til